

抱朴子外篇卷之三十六

安貧

抱朴子曰昔漢火寢耀龍戰虎爭九有幅裂  
三家鼎據有樂天先生者避地蓬轉播流岷  
益始處晚於文休未見知於孔明而言高行  
方獨立不群時人憚焉莫之或與時二公之  
力不能違眾遂令斯生沈抑華齒漸桑榆  
而韋布不改而時主思賢不聞不知當途之  
士莫舉莫資潛側武之陋巷實繩樞之蓬屋  
進廢經世之務退忘治生之事慕煥履空朝  
不謀夕於是偶俗公子造而詰之曰蓋聞有  
伊呂之才者不久滯於窮賤懷倚頓之術者  
不長處於飢寒達者貴其知變智士驗乎不  
匱故范生出則滅吳霸越為命世之佐入則  
貨殖營生累萬金之貲夫貧在六極富在五  
福詩美奇矣易貴聚人垂餌香則鱣鮪來應  
實厚則果穀奮長卿所以解犢鼻而擁朱冠  
曲逆所以下席扉而享茅土不韋所以食十  
萬之邑絳侯所以拔圉圍之困也故下鄉儉  
而獲悔咎之辱漂姬豐而蒙千金之報先生

無少伯之奇略專銳思乎六經忽絕糧始  
之實禍慕不朽之虛名恥詭遇以干祿羞術  
沾以要榮冀西伯之方畋俟黃河之將清甘  
列子之菜色邈全神而遺形何異圖畫騏驎  
以代徒行之勞遙指海水以解口焦之渴張  
魚網於峻極之巔施釣緜於脩木之末雖自  
以為得所猶未免乎迂闊也事無身後之功  
物無違時之盛今海內瓜分英雄力競象龜  
滔天猶夏放命驚蹇屋馳以兼路豺狼奮口  
而交爭當塗投杖以訟屈素士蒙塵以履徑  
純儒釋皇道而治五霸之術碩生弃四科而  
恤月旦之評筐篋實者進於草萊乏資地者  
退於朝廷握黃白者排金門而陸玉堂誦方  
策者結世讎而委泥濘贊幣濃者危石成珪  
璋請託薄者龍駿弃林垌黨援多者借驚颺  
以陵雲交結狹者侶跋鼈以沈泳夫九泥已  
不能遏彭蠡之沸騰獨賢亦焉能及流遁之  
失正今先生入無儋石之儲出無束脩之調  
徒含章如龍鳳被文如虎豹吐之如波濤陳  
之如錦繡而凍餓於環堵何計疏之可弔美

不沉輕舟以託迅御飛帆以遠之交瑰貨於  
朔南收金碧於九疑迪崔烈之遐武糜好爵  
於清時徒疲勞於述作豈蟬蛻之有期也獨  
苦身以為名乃黃老之所嗤也樂天先生答  
曰六藝備研八索必該斯則富矣振翰搗藻  
德音無窮斯則貴矣求仁至舍梅馬如夫  
棲重淵以頤靈外萬物而自得遺紛埃於險  
塗澄精神於玄默不窺牖以遐覽判微言而  
靡感雖復設之以台鼎猶確爾而弗華也曷  
肯愛貧而與賈豎爭利戚窮而與凡瑣競達  
哉吾子苟知商販可以崇實耕也可以免飢  
不識逐麋者不顧免道遠者其到遲也且夫  
尚父之鼓刀素首乃吐奇也萬鈞之為重衝  
颺不能移蕭韶未九成靈鳥不紆儀也是以  
侯扶搖而登蒼霄者不充詘於蓬蒿之抄聘  
蘭筋以陟六萬者不爭塗乎蹇驢之群奪  
必畏辱親之險故子春戰慄於下堂上智不  
貴難得之財故唐虞捐金而抵璧明哲消禍  
於未來智士聞利則慮害而吾子訊僕以汎  
舟享享於潤屋勸階珠之彈雀探虎口以奪

肉輕遺體於不測觸重險以速至忘髮膚之  
明戒尋乾浹於難冀若乃焚輪傾巖木拔石  
飛陽俠山峙洪濤靠輓輕艘塵漂力與心違  
徒嗟泣而同達乃悟達者之見微也昔回憲  
以清吾稱高陳平以無金免危廣漢以好利  
喪身牛缺以載實及糜匹夫枉死於懷璧豐  
狐召災以美皮今吾子督余以誨盜之業敦  
余以召賊之策進醜酒以獻酬非養壽之忠  
益夫士以三墳爲金玉五典爲琴筆謙謙爲  
鍾鼓百家爲笙簧使味道者以辭飽耐德者  
以義醒超流俗以高蹈軼億代而揚聲方長  
驅以獨往何貨賄之穢情夫藏多者亡厚好  
謙者忌盈舍夜光者速剖循覆車者必傾過  
載者沈其舟慾勝者殺其生蓋下士所用心  
上德所未營也於是問者茫然自失請備門  
生之末編永寶長生之良方焉

抱朴子外篇卷之三十一

十一

+

抱朴子外篇卷之三十七

仁明

抱朴子曰門人共論仁明之先後各據所見  
乃以詰余余告之曰三光垂象者乾也厚載  
無窮者坤也乾有明而兼仁坤有仁而無明  
卑高之數不以邈乎夫唯聖人與天合德故  
唐堯以欽明冠與仲尼以明義首篇明明在  
上元首之尊稱也明哲保身大雅之絕蹤也  
蚩飛螻動亦能有仁故其意愛弘於長育哀  
傷著於啜噍上竹交切下切也然赴阮奔而無猜  
入罽羅而不覺有仁無明故並趨禍而攸失  
燻潛景以易咀生結棟宇以免巢穴選禾稼  
以代毒烈制衣裳以改裸飾役舟楫以濟不  
通服牛馬以息負步序等威以鎮禍亂造器  
械以戒不虞創書契以治百官制禮律以肅  
風教皆大明之所爲非偏人之所能辯也夫  
心不違仁而明不經國危亡之禍無以杜遏  
亦可知矣夫料盛衰於未兆探機事之無形  
指倚伏於理外距浸瀾於根生者明之功也  
垂惻隱於昆蟲雖見犯而不校觀敵練而改

十一

十一

性避行葦而不蹈者仁之事也爾則明者才  
也仁者行也殺身成仁之行可力爲而至鑿  
玄測幽之明難妄假精粗之分居然殊矣夫  
體不忍之仁無臧否之明則心惑傷真神亂  
未察思筭不分邪正不識不達安危則一身  
之不保何暇立以濟物乎昔姬公非無友于  
之愛而泣涕以滅親石碯非無天性之慈而  
割私以奉公蓋明見事體不溺近情遂爲純  
臣以義斷恩舍仁用明以計抑仁仁可時廢  
而明不可無也湯武逆取順守誠不仁也應  
天革命以其明也徐偃修仁以朝同班外墜  
城池之險內無戈甲之備亡國破家不明之  
禍也門人曰仲尼數仁爲任重而道遠又云  
人而不仁如禮何若聖與仁則吾豈敢孟子  
曰仁宅也義路也人無惻隱之心非仁也三  
代得天下以仁失天下以不仁此皆聖賢之  
格言竹素之顯證也而先生貴明未見典據  
小子蔽闇竊所惑焉抱朴子荅曰古人云好  
仁不好學其蔽也愚子近之矣曩六國相吞  
豺虎力競高權詐而下道德高殺伐而廢退